



Aneks 1.

Kratak pregled dosadašnjih projekata s osvrtom na Akcione planove razvoja dječije zaštite uspostavljene u 24 općine BiH

Prije implementacije SPIS programa, u periodu od 2003-2009. godine, uz podršku UNICEF-a i drugih donatora, IBHI je realizovao slične programe koji su imali za cilj da promoviraju djelotvorne i efikasne politike socijalne zaštite i inkluzije na svim nivoima, koje doprinose smanjenju siromaštva, nejednakosti i socijalne isključenosti. Na osnovu naučenih lekcija, koncept u okviru projektne implementacije na općinskom nivou je se vremenom upotpunjavao novim, unaprijeđenim elementima. Odgovornosti Općinskih upravnih odbora, kao koordinirajućih tijela projekta, su se vremenom također upotpunjavale.

U sljedećih 18 ciljanih zajednica, OUO-i su prerasli u općinske Komisije za unapređenje dječije zaštite i socijalne inkluzije: Bileća, Bugojno, Foča, Goražde, Gradiška, Istočna Ilidža, Kakanj, Kiseljak, Kotor Varoš, Laktaši, Novi Grad (RS), Novi Grad Sarajevo, Novi Travnik, Teslić, Sanski Most, Srbac, Stolac i Višegrad, što ukazuje na doprinos projektnih aktivnosti institucionalizaciji tijela koja se bave dječijom zaštitom. Čak i nakon implementacije projekata, općinske Komisije za unapređenje dječije zaštite i socijalne inkluzije su nastavile sa implementacijom započetih aktivnosti.

Prije implementacije UNICEF projekata u odabranim općinama, niti jedna lokalna zajednica nije imala strateški dokument koji bi se bavio isključivo socijalnom i dječijom zaštitom, što je ukazivalo na nedostatak planiranja u oblasti dječije zaštite, kao i na izostanak adekvatnog odgovora na rastuće potrebe djece i njihovih porodica. UNICEF projekti su u ovoj oblasti podržali izradu dvogodišnjih Akcionih planova. Izrada ovih dokumenata je bila u nadležnosti Općinskih upravnih odbora. Akcioni planovi su u svih 24 općina usvojeni od strane Skupštine opštine/Općinskog vijeća kao lokalne strategije za razvoj dječije zaštite. U općinama Novi Grad i Laktaši, Komisije su samostalno izradile Akcione planove za period od 2012-2013. godine, koji su usvojeni od strane Skupštine opštine.